



11 1650 / 1891-1900

N 11858

Kirchliches Verordnungs-Blatt

für die
Savanter Diöcese.

Inhalt: I. Vollmacht, den Gläubigen in articulo mortis den apostolischen Segen mit vollkommenem Ablasse zu spenden. — II. Päpstliche Encylica vom 20. November 1890 über Missionen in Afrika: Catholicae ecclesiae. — III. Päpstliches Schreiben vom 20. November 1890 über die Verehrung der hl. Familie. — IV. Ernennung eines Diöcesan-Directors für das Gebets-Apostolat. — V. Pastoral-Conferenz-Fragen pro 1891. — VI. Theologische Fragen pro 1891. — VII. Pfarrconcursprüfungen. — VIII. Abholung der hl. Oele am Gründonnerstage. — IX. Diöcesan-Nachrichten.

I.

Vollmacht, den Gläubigen in articulo mortis den apostolischen Segen mit vollkommenem Ablasse zu spenden.

Der allerwichtigste Augenblick des Lebens ist wohl jener, der für eine ganze Ewigkeit entscheidet, ist die Todesstunde. Wo aber die Noth am Größten, ist auch unserer liebevollen Mutter Kirche Sorgfalt und Hilfe am Nächsten, den Sterbenden alle jene Gnadenschätze reichlichst zuzuwenden, mit denen sie ihre Schulden vor dem ewig strengen Richter erfolgreich begleichen können. Unter den vielen Gnadenschätzen für Sterbende behauptet nach den hl. Sterbsakramenten die Apostolische Benediction mit vollkommenem Ablasse den vornehmsten Rang.

Diese so segensreiche Benediction mit vollkommenem Ablasse in der Todesstunde pflegt regelrecht der hl. apostolische Stuhl zu ertheilen. Aber auf eigenes Ansuchen erhalten auch die Bischöfe vom römischen Stuhl die Vollmacht, entweder selbst diesen Sterbablaß zu spenden, oder nach ihrem Ermessen andere Welt- und Ordenspriester dazu zu subdelegiren. Diese Vollmacht dauert für die Bischöfe, bislang Sie der Diöcese vorstehen und für die subdelegirten Priester bis zum erfolgten Widerruf. Die Subdelegation behält auch während der Sedisvacanz ihre Wirkung, bis sodann der neuankommende Bischof die subdelegirten Priester in der Ausübung der ertheilten Befugniß entweder bestätigt, oder dieselbe aufhebt.

Um diesen großen Gnadenschatz auch den Sterbenden meiner mir in Christo vielgeliebten Seelenherde zuzuwenden, ist mir auf meine Bitte von Sr. Heiligkeit Leo XIII., dem glorreich regierenden Papste, mit Sendschreiben vom 16. Mai 1890 die gleiche Vollmacht ertheilt, mit der Erlaubniß auch andere Priester zur Ertheilung des gleichen Sterbablasses zu subdelegiren. Der Wortlaut besagten Breves ist nachstehender:

LEO PP. XIII.

Venerabilis Frater salutem, et apostolicam benedictionem. Erga omnes christifideles in maximo instantis mortis discrimine, et in durissima tantae necessitatis hora constitutos eo abundantius Romanus Pontifex coelestes thesauros erogare, traditamque sibi divinitus opitulandi potestatem debet exercere, quanto tunc maior premit illos anxia aegritudo, ac pene conficit acerba tristitia, furentibus undequaque teterrimis, et callidissimis hostibus, qui leonis ad instar rugientes adstant, ut devorent et quorum efferata rabies nisi eorum sanguine, idest, aeterna animarum ruina expleri non potest. Hinc Nos, quibus, licet immerentibus, omnes oves suas Jesus in Petro pascendas dedit, ne illis unquam in extremo vitae mortalis agone aliquid detrimenti culpa Nostra contingere possit, in partem potestatis, et sollicitudinis Nostrae caeteros pastores vocamus, ut sibi comparatis omnibus apostolicae sedis, et Auctoritatis Nostrae subsidiis, maiori ac uberiori eorum gregis utilitati prospiciant, facilemque ad assequendam aeternitatem aditum aperiant, atque horribiles hostium impetus comprimant et repellant. Cum itaque, sicut accepimus,

Tu, qui Ecclesiae Lavantinae, praesesse dignosceris, benedictionem apostolicam cum plenaria indulgentia in mortis articulo impertiendam aegrotis istarum Civitatis et Dioecesis Lavantinae concedere posse plurimum desideres: Nos animarum fidelium tuae curae commissarum saluti paterna charitate consulere cupientes, tibi ut donec regimini praefatae Ecclesiae tibi demandatae praefueris, et quoties in dictis Civitate et Dioecesi Lavantina aliquem utriusque sexus christifidelem in mortis articulo constitutum esse contigerit, si vere poenitens, et confessus, ac s. Communione reffectus, aut quatenus id facere nequiverit, saltem contritus nomen Jesu ore, si potuerit, sin minus corde devote invocaverit, benedictionem apostolicam Nostro, et Romani Pontificis pro tempore existentis nomine cum plenaria indulgentia, et remissione omnium peccatorum suorum per te ipsum, seu per unum, aut plures Presbyteros probitate morum praeditos saeculares, vel regulares a te ad tui libitum semel, aut pluries, vel quandocumque opus fuerit, delegandos, eligendos, et deputandos, et quoad Moniales, illarum Confessarium Ordinarium impertiri possis, et valeas facultatem auctoritate apostolica tenore praesentium concedimus, tribuimus, impertimur. In contrarium facientibus non obstantibus quibuscumque. Volumus autem ut tam tu, quam delegati, et eligendi pro impertienda benedictione, et plenaria indulgentia in mortis articulo huiusmodi constitutis applicanda formulam a fe. me. Benedicto PP. xiv. Praed. Nostro in suis litteris sub plumbo nonis aprilis MDCCXCVII praescriptam, quam tibi tradi mandamus, omnino adhibeatis. Datum Romae apud S. Petrum sub annulo Piscatoris die XVI Maii MDCCCXC Pontificatus Nostri Anno Decimotertio.

M. Card. Ledóchowsky.

In Kraft dieser mir vom apostolischen Stuhle ertheilten Vollmacht subdelegire ich zur Ertheilung der Benedictio Apostolica cum indulgentia plenaria in articulo mortis für Sterbende beiderlei Geschlechtes hiemit alle approbirten Beichtväter des Welt- wie des Ordensklerus der Lavanter Diöcese (probitate morum praeditos et iurisdictione confessiones sacras excipiendi ornatos), auf daß sie dieselbe zum Heile und Troste der Sterbenden (nomine Romani Pontificis pro tempore existentis) unter Beobachtung der diesbezüglichen rituellen Vorschriften ausüben.

II.

Päpstliche Encyclica über Missionen in Afrika.

Venerabilis Frater!

Salutem et Apostolicam Benedictionem.

Catholicae Ecclesiae, quae omnes homines materna caritate complectitur, nihil fere antiquius fuit inde ab initio, ceu nosti, Venerabilis Frater, quam ut servitum, quae misero iugo premebat mortalium quamplurimos, sublatam cerneret penitusque deletam. Sedula enim custos doctrinae Conditoris sui, qui per se Ipse et Apostolorum voce docuerat homines fraternam necessitudinem quae iungit universos, utpote eadem origine creatos, eodem pretio redemptos, ad eandem vocatos beatitatem aeternam, suscepit neglectam servorum causam ac strenua vindex libertatis extitit, etsi, prout res et tempora ferebant, sensim rem gereret ac temperate. Scilicet id praestitit prudentia et consilio constanter postulans quod intendebat religionis, iustitiae et humanitatis nomine; quo facto de nationum prosperitate cultuque civili meruit optime. — Neque aetatis decursu hoc Ecclesiae studium adserendi mancipia in libertatem elanguit; imo quo fructuosius erat in dies, eo flagrabat impensius. Quod certissima testantur monumenta historiae, quae eo nomine plures commendavit posteritati Decessores Nostros, quos inter praestant S. Gregorius Magnus, Hadrianus I, Alexander III, Innocentius III, Gregorius IX, Pius II, Leo X, Paulus III, Urbanus VIII, Benedictus XIV, Pius VII, Gregorius XVI, qui omnem curam et operam contulere, ut servitutis institutio, ubi vigeat, excideret, et caveretur ne unde exsecta fuerat, ibi eius germina reviviscerent.

Tantae laudis hereditas a Praedecessoribus tradita repudiari a Nobis non poterat: quare nulla praetermissa a Nobis occasio est, improbandi palam damnandique tetricam hanc servitutis pestem; ac data opera de ea re in litteris egimus, quas III. Nonas Maias anno MDCCCLXXXVIII. ad Episcopos Brasiliae dedimus, quibus gratulati sumus de iis, quae pro mancipiorum libertate in ea regione gesta fuerant laudabili exemplo privatim et publice, simulque ostendimus quantopere servitus religioni et humanae dignitati adversetur. Equidem cum ea scriberemus, vehementer commovebamur eorum conditione qui dominio subduntur alieno; at multo acerbius affecti sumus narratione aerumnarum, quibus conflictantur incolae universi regionum quarumdam Africae interioris. Miserum sane et horrendum memoratu est, quod certis nunciis accepimus, fere quadringenta Afrorum millia, nullo aetatis ac sexus discrimine, quotannis abripi per vim e rusticis pagis, unde catenis vincti ac caesi verberibus longo itinere trahuntur ad fora, ubi pecudum instar promercialium exhibentur ac veneunt. — Quae cum testata essent ab iis qui viderunt, et a recentibus exploratoribus Africae aequinoctialis confirmata, desiderio incensi sumus opitulandi pro viribus miseris illis, levandique eorum calamitatem. Propterea, nulla interiecta mora, dilecto Filio Nostro Cardinali Carolo Martiali Lavigerie, cuius perspecta Nobis est alacritas ac zelus Apostolicus, curam demandavimus obeundi praecipuas Europae civitates, ut mercatus huius turpissimi ignominiam ostenderet, et Principum civiumque animos ad opem ferendam aerumnosae genti inclinaret. — Quam ob rem gratiae Nobis habendae sunt Christo Domino, gentium omnium Redemptori amatissimo, qui pro benignitate sua passus non est curas Nostras in irritum cedere, sed voluit esse quasi semen feraci creditum humo, quod laetam segetem pollicetur. Namque et Rectores populorum et Catholici ex toto terrarum orbe, omnes demum, quibus sancta sunt gentium et naturae iura, certarunt inquirere, qua potissimum ratione et ope conniti praestet, ut inhumanum illud commercium evellatur radicitus. Solemnis Conventus non ita pridem Bruxellis actus, quo Legati Principum Europae congressi sunt, ac recentior coetus privatorum virorum, qui eodem spectantes magno animo Lutetiam convenere, manifesto portendunt tanta vi et constantia Nigritarum causam defensum iri, quanta est ea qua premuntur aerumnarum moles. Quare oblatam iterum occasionem nolumus omittere, ut meritas agamus laudes et gratias Europae Principibus ceterisque bonae voluntatis hominibus, atque a summo Deo precamur enixe, ut eorum consiliis et orsis tanti operis prosperos dare velit eventus.

At vero praeter tuendae libertatis curam gravior alia pressius attingit apostolicum ministerium Nostrum, quod nos curare iubet, ut in Africae regionibus propagetur Evangelii doctrina, quae illarum incolas sedentes in tenebris, a caeca superstitione offusis, illustret divinae veritatis luce, per quam nobiscum fiant participes hereditatis Regni Dei. Id autem eo curamus enixius, quod illi, hac luce recepta, etiam humanae servitutis ab se iugum excutient. Ubi enim christiani mores legesque vigent, ubi religio sic homines instituit, ut iustitiam servent atque in honore habeant humanam dignitatem, ubi late spiritus manavit fraternae caritatis, quam Christus nos docuit, ibi neque servitus, nec feritas, neque barbaria extare potest sed floret morum suavitas, et civili ornata cultu christiana libertas. — Plures iam Apostolici viri, quasi Christi milites antesignani adiere regiones illas, ibique ad fratrum salutem non sudorem modo sed vitam ipsam profuderunt. Sed *mensis quidem multa, operarii autem pauci*: quare opus est, ut alii quamplures eodem acti spiritu Dei, nulla verentes discrimina, incomoda et labores, ad eas regiones pergant, ubi probrosum illud commercium exercetur allaturi illarum incolis doctrinam Christi verae libertati coniunctam. — Verum tanti operis aggressio copias flagitat eius amplitudini pares. Non enim sine ingenti sumptu prospici potest Missionariorum institutioni, longis itineribus, parandis aedibus, templis excitandis et instruendis, aliisque id genus necessariis, quae quidem impendia per aliquot annos sustinenda erunt, donec in iis locis ubi consederint evangelii praecones, suis se sumptibus tueri possint. Utinam Nobis vires suppetent quibus possemus hoc onus suscipere. At quum votis Nostris obsistant graves, in quibus versamur, rerum angustiae, te, Venerabilis Frater, aliosque sacrorum Antistites et Catholicos omnes paterna voce compellamus, et Vestrae eorumque caritati commendamus opus tam sanctum et salutare. Omnes enim participes eius optamus fieri exigua licet collata stipe, ut dispartitum in plures onus levius cuique toleratu sit, atque ut in omnes effundatur gratia Christi, de cuius regni propugnatione agitur, eaque cunctis pacem, veniam peccatorum, et lectissima quaeque munera impertiat.

Propterea constituimus, ut quotannis, qua die in quibusque locis Epiphaniae Domini celebrantur mysteria, in subsidium memorati operis pecunia stipis instar corrogetur. Hanc autem solemnem diem prae ceteris elegimus quia, uti probe intelligis Venerabilis Frater, ea die Filius Dei primitus sese gentibus revelavit dum Magis videndum se praebuit, qui ideo a S. Leone Magno Decessore Nostro scite dicti sunt *vocationis nostrae fideique primitiae*. Itaque bona spe nitimur fore, ut Christus Dominus per motus caritate et precibus filiorum, qui veritatis lucem acceperunt, revelatione divinitatis suae etiam miserrimam illam humani generis partem illustret, eamque a superstitionis coeno et aerumosa conditione, in qua tamdiu adiecta et neglecta iacet, eripiat. — Placet autem Nobis, ut pecunia, praedicta die, collecta in ecclesiis et sacellis subiectis iurisdictioni tuae, Romam mittatur ad Sacrum Consilium Christiano nomini propagando. Huius porro munus erit partiendi eam pecuniam inter Missiones quae *ad delendam potissimum servitatem* in Africae regionibus extant aut instituentur: cuius partitionis, hic modus erit, ut pecunia profecta ex nationibus quae suas habent catholicas missiones ad vindicandos in libertatem servos, ut memoravimus, istis missionibus sustentandis iuvandisque addicatur. Reliquam vero stipem idem Sacrum Consilium, cui earundem missionum necessitates compertae sunt, inter egeniores prudenti iudicio partietur.

Equidem non ambigimus, quin vota Nostra pro infelicibus Afris concepta, benigne excipiat dives in misericordia Deus, ac tu Venerabilis Frater, ultro collaturus sis studium operamque tuam, ut ea expleantur cumulate. — Confidimus insuper, per hoc temporarium ac peculiare subsidium, quod fideles conferent ad in humani commercii labem abolendam et sustentandos evangelii nuncios in locis ubi illud viget, nihil imminutum iri de liberalitate quo Catholicas missiones adiuvere solent collata stipe in Institutum quod Lugduni conditum a *propagatione fidei* nomen accepit. Salutare hoc opus, quod fidelium studiis pridem commendavimus, hac nunc opportunitate oblata novo ornamus laudis testimonio, optantes ut late porrigat beneficentiam suam et laeta floreat prosperitate. Interim Tibi Venerabilis Frater, Clero et fidelibus pastoralis vigilantiae tuae commissis, Apostolicam Benedictionem peramanter impertimus.

Datum Romae apud S. Petrum, die XX Nov. anno MDCCCXC, Pontificatus Nostri decimo tertio.

Leo PP. XIII.

Auf Grund dieser päpstlichen Anordnung werden hiermit, wie auch schon mit dem Hirten schreiben vom 20. December 1890, sämtliche Kirchenvorstände angewiesen, am hl. Dreikönigsfeste (6. Jänner) alljährlich, bis zum Widerruf, eine Sammlung im Gotteshause zu dem von Sr. päpstlichen Heiligkeit bestimmten Zwecke vorzunehmen. Das Ergebnis der Sammlung ist dem Decanatsamte einzufenden und vom letzteren an das F.-B. Ordinariat abzuführen.

III.

Päpstliches Schreiben vom 20. November 1890 über die Verehrung der hl. Familie.

Perillustris et Rmē. Domine,

Sanctissimus Dominus Noster LEO PAPA XIII pro Apostolica Sua sollicitudine Litteras die XX mensis elapsi datas mittere dignatus est ad Emum. et Rmum. Dnum. Augustinum Bausa Archiepiscopum Florentinum super cultu Sacrae Familiae exhibendo, praecipiens ut huiusmodi Litterae cunctis Rmīs. Dioecesium Ordinariis communicarentur.

Mandato itaque Summi Pontificis obtemperans, Sacra Rituum Congregatio ad Amplitudinem Tuam exemplar earundem Litterarum transmittit, additis simul duabus precum formulis, iubente atque

adprobante Ipsa Sanctitate Sua, editis, scilicet Consecrationis familiarum Sacrae Familiae, et Orationis ante venerandam Illius imaginem quotidie ab ipsis recitandae.

Interim Amplitudini Tuae cuncta a Domino fausta ex animo adprecor.

Amplitudinis Tuae Romae die 10 Decembris 1890.

Uti Frater addictissimus

CAIET. CARD. ALOISI-MASELLA, S. R. C. Praefectus.

VINCENTIUS NUSSI, Secretarius.

LITTERAE

SS. D. N. LEONIS PP. XIII.

AD CARDINALEM BAUSA

ARCHIEPISCOPUM FLORENTINUM.

DILECTE FILI NOSTER, SALUTEM ET APOSTOLICAM BENEDICTIONEM.

Novum argumentum perspecti tui erga hanc apostolicam Sedem studii et obsequii proderunt litterae Augusto mense exeunte ad Nos datae, quibus vota Nobis significasti plurium fidelium, ut veneratio quae Christo Domino ac Matri Virgini et S. Iosepho domesticae Eius societatis consortibus, sub Sacrae Familiae titulo exhibetur, ad ampliorem in Ecclesia cultus dignitatem provehatur, atque de hac re, uti fieri debet in causis gravibus fidem ac disciplinam spectantibus, sententiam et iudicium huius Apostolicae Sedis postulasti. Tuae observantiae et prudentiae officium Nos plurimi aestimantes, confestim postulationis tuae rationem habendam censuimus, ac rem propositam Consilio Nostro sacris ritibus praeposito cognoscendam mandavimus, ut deinde ad Nos consulta et exquisita referret. Re itaque diligenter expensa, Tibi nunc significamus, ob peculiare iustasque causas Nos decrevisse, ut pietatis cultus erga Sacram Familiam, nullis aliis inductis eius exercendi novis formis, in eo statu servetur in quo Auctoritate huius Apostolicae Sedis probatus fuit, atque ut potissimum christianae domus Sacram Familiam ad venerationem et exemplum propositam habeant, iuxta instituta piae illius Consociationis, quam Decessor Noster fel. rec. Pius IX suis litteris die v Januarii Anno MDCCCLXX datis, probavit et commendavit, atque in spem certam maximorum fructuum latius in dies propagari exoptavit. Quam spem salutarium honorum et Nos ultro in eiusdem Societatis spiritu ponimus: confidimus enim Fideles omnes probe intelligentes, in cultu quem Sacrae Familiae exhibent, sese mysterium vitae absconditae venerari, quam Christus cum Virgine Matre et S. Iosepho egit, inde magnos stimulos habituros ad fidei fervorem augendum, et virtutes imitandas, quae in divino Magistro, ac Deipara, Eiusque Sponso sanctissimo fulserunt. Hae autem virtutes, ut non semel monuimus, dum aeternae vitae mercedem pariunt, ad prosperitatem etiam domesticae et civilis societatis tam misere hoc tempore laborantis spectant; cum ex familiis sancte constitutis, civitatis etiam commune bonum, cuius familia fundamentum est, necessario consequatur. Maius vero fiducia Nostra incrementum capit dum cogitamus, Sacrae Familiae cultores ex instituto Societatis quam diximus, a Christo Domino gratiam per merita Matris Virginis et S. Iosephi sedulo efflagitantes, propitiam indubie opem experturos, ut vitam sancte componant, atque uti in domibus suis concordiam, caritatem, in adversis tolerantiam, morumque honestatem laetentur efflorescere. Vota igitur ad Deum effundimus, ut germanus memoratae Societatis spiritus in dies latius inter Fideles emanet ac vigeat, atque in hanc rem operam suam collaturos tam sacrorum Antistites, tum omnes Ecclesiae administratos non dubitamus. In mandatis autem dedimus Consilio Nostro sacris ritibus praeposito, ut grandi formulam ad te mittat, quam confici et edi curavimus in usum fidelium, ad domos suas Sacrae Familiae

consecrandas, tum etiam quotidianae precationis exemplar a fidelibus in Sacrae Familiae veneratione persolvendae. Tuo demum in Nos obsequio, Dilecte Fili Noster, parem dilectionis affectum libenter profitemur, et in auspiciis caelestium munerum, Apostolicam Benedictionem Tibi, et Clero ac Fidelibus, quibus praesides, peramanter in Domino impertimus.

Datum Romae apud S. Petrum die XX Novembris Anno MDCCCXC, Pontificatus Nostri Decimotertio.

Leo PP. XIII.

FORMULA

RECITANDA A CHRISTIANIS FAMILIIS

QUAE SE SACRAE FAMILIAE CONSECRANT.

O Jesu Redemptor noster amabilissime, qui e caelo missus ut mundum doctrina et exemplo illustrares, maiorem mortalis tuae vitae partem in humili domo Nazarena traducere voluisti, Mariae et Josepho subditus, illamque Familiam consecrasti, quae cunctis christianis familiis futura erat exemplo, nostram hanc domum, quae Tibi se totam nunc devovet, benignus suscipe. Tu illam protege et custodi, et sanctum tui timorem in ea confirma, una cum pace et concordia christianae caritatis; ut divino exemplari Familiae tuae similis fiat, omnesque ad unum quibus ea constat, beatitudinis sempiternae sint compotes.

O amantissima Jesu Christi Mater et mater nostra Maria, tua pietate et clementia fac ut consecrationem hanc nostram Jesus acceptam habeat, et sua nobis beneficia et benedictiones largiatur.

O Joseph, sanctissime Jesu et Mariae custos, in universis animae et corporis necessitatibus nobis tuis precibus succurre; ut tecum una et beata Virgine Maria aeternas divino Redemptori Jesu Christo laudes et gratias rependere possimus.

ORATIO

QUOTIDIE RECITANDA

ANTE IMAGINEM SACRAE FAMILIAE.

O amantissime Jesu, qui ineffabilibus tuis virtutibus et vitae domesticae exemplis familiam a te electam in terris consecrasti, clementer aspice nostram hanc domum, quae ad tuos pedes provoluta propitium te sibi deprecatur. Memento tuam esse hanc domum; quoniam tibi se peculiari cultu sacravit ac devovit. Ipsam benignus tuere, a periculis eripe, ipsi in necessitatibus occurre, et virtutem largire, qua in imitatione Familiae tuae sanctae iugiter perseveret; ut mortalis suae vitae tempore in Tui obsequio et amore fideliter inhaerens, valeat tandem aeternas tibi laudes persolvere in caelis.

O Maria, Mater dulcissima, tuum praesidium imploramus, certi divinum tuum Unigenitum precibus tuis obsecuturum.

Tuque etiam, gloriosissime Patriarcha sancte Joseph, potenti tuo patrocinio nobis succurre, et Mariae manibus vota nostra Jesu Christo porrigenda submitte.

Indulgentia 300 dierum semel in die lucranda ab iis qui se Sacrae Familiae dedicant iuxta formulam a S. Rituum Congregatione editam.

Leo PP. XIII.

IV.

Ernennung eines Diöcesan-Directors für das Gebets-Apostolat.

Der Hochwürdige Herr Karl Hribovšek, Domcapitular und Priesterhausdirector, wurde zum Diöcesan-Director des Gebets-Apostolates für die Lavanter Diöcese ernannt. Jene Hochw. Herren Seelsorger, welche diesen überaus zeitgemäßen und von Sr. Heiligkeit, dem glorreich regierenden Papste Leo XIII., selbst empfohlenen Gebets-Verein in ihrer Pfarre einzuführen gedenken, wollen sich in allen, diesen frommen Verein betreffenden Anliegen an den genannten Domcapitular wenden, und erhalten von Ihm die Statuten des Vereines sammt einer kurzen Unterweisung über dessen Organisation, sowie die Aggregations- und Directoren-Diplome gratis.

V.

Pastoral-Conferenz-Fragen für das Jahr 1891.

1. Was bestimmen die kirchlichen Vorschriften beziehentlich der Errichtung, Benützung und Heilhaltung der Friedhöfe? Welche Bestimmungen gelten bezüglich der Friedhöfe seitens der weltlichen Gesetze? Dürfen Andersgläubige in Familiengräbern von Katholiken beigelegt werden? Was ist in Oesterreich zu beachten, im Falle eine Leiche nicht am Friedhose des Sterbeortes, sondern auf einem andern bestattet werden soll? Wie hat sich in solchem Falle der Matrikenführer zu benehmen?

2. Welche sind die vorzüglichsten Mittel, um pastorell auf die religiös-sittliche Erziehung der Kinder nachhaltigst einzuwirken? Hat der Katechet die Kinder in den Gebrauch empfehlenswerther Gebetbücher einzuführen, und welche wären derlei mustergiltige Gebetbücher?

VI.

Theologische Fragen für das Jahr 1891.

1. Proponatur accurata et rei conveniens divisio celebris encyclicae „Sapientiae christianae“ de dato 10. Jan. 1890. Recenseantur errores simulque explicentur veritates de praecipuis Christianorum officis manuducendo dilaudata epistola encyclica.

2. Quid est de fide relate ad divinae gratiae efficaciam? Explanentur catholicorum varia circa divinae gratiae liberique arbitrii concordiam proposita systemata.

3. Katechese in deutscher oder slovenischer Sprache über das hl. Kreuzzeichen, und über die Frage: wer hat Alles erschaffen?

Einleitung: Ansprache an die Kinder in der ersten Religionsstunde.

Abhandlung: Erklärung obangegebenen catechetischen Stoffes.

Schluß: Recapitulation des erklärten Gegenstandes.

VII.

Pfarrconcursprüfungen

werden heuer und zwar die erste am 28., 29. und 30. April, die zweite aber am 1., 2. und 3. September in der F.-B. Residenz in Marburg stattfinden.

Die Gesuche um Zulassung zu dieser Prüfung sind im Wege des F.-B. Decanalantes wenigstens 14 Tage vor der Prüfung beim F.-B. Ordinariate einzubringen.

VIII.

Die hl. Oele

sind wie gewöhnlich am Gründonnerstage in der F.-B. Ordinariats-Kanzlei daselbst abzuholen. Die Delgefäße sind vorher sorgfältig zu reinigen.

IX.

Diöcesan-Nachrichten.

Zustallirt wurden: Herr Lorenz Kramberger auf die Curatie St. Margarethen in Kebelej und Herr Mathias Fidersek auf die Pfarre St. Florian in Dolič.

Wiederangestellt wurde der gewesene Herr Provisor zu St. Florian in Dolič, Andreas Fekonja, als Kaplan in Ponigl.

Uebersezt wurden die Herren Kapläne: Gregor Hrastelj nach Schleiniz bei Marburg, Josef Plešič nach Köttsch, Anton Inkret nach Neukirchen, Martin Osenjak nach St. Peter bei Radtersburg, Ignaz Rom nach Hochenegg und Karl Wenig nach Luttenberg.

Unbesetzt ist geblieben der Kaplansposten in Trennenberg.

F. B. Saverter Ordinariat in Marburg,

am 14. Februar 1891.

† **Michael,**
Fürstbischof.